

ՈՒՐԱՐՏԱԿԱՆ ՀՆՈՒԹՅՈՒՆՆԵՐ ԻՐԱՆՈՒՄ

Ուրարտական հնությունների հայտնաբերումը հետզհետե դառնում է Իրանի, հատկապես նրա հյուսիս-արևմտյան շրջանների, հնագիտության բնորոշ կողմերից մեկը: Դեռևս անցյալ դարում հիշյալ շրջաններում գտնվել էին մի շարք ուրարտական առարկաներ: Մեր ժամանակներում, 40-ական թթ. վերջերին, Ղարադաղի լեռներում, Թավրիզից հյուսիս-արևելք, Վարզաղան բնակավայրի մերձակայքում հայտնաբերվեց ուրարտական սեպագիր մի արձանագրություն, որը պատմում է Սարգուրի II (760—730 Ն. մ. թ.) թագավորի այս շրջանում ծավալած գործունեության մասին¹:

Վերջերս հայտնի են դարձել նոր, էլ ավելի հետաքրքիր նյութեր, որոնց նշանակությունը Ուրարտուի և Իրանի պատմության համար մեծ է: Թավրիզից Արդերիլ տանող ճանապարհի վրա գտնվող Սարար բնակավայրից հյուսիս, Սավալան լեռների հարավային լանջերին հայտնաբերվել են Լրկու սեպագիր արձանագրություններ, որոնց ուրարտական բնույթը անկասկած է²: Արձանագրությունները փորագրված են իրարից ոչ շատ հեռու գտնվող ժայռերի վրա, ունեն միանման բովանդակություն, թեպետ տարբերվում են իրարից մեծությամբ: Առաջինը (նկ. 1, ա), որը ավելի մեծ է և ամբողջական, բաղկացած է 16 տողից՝ տողի երկարությունը 107 սմ: Երկրորդը (նկ. 1, բ) ունի վնասվածքներ և բաղկացած է 12 տողից՝ տողի երկարությունը 102 սմ:

Արձանագրությունները դրոշմված են Ռուսա I-ի որդի Արգիշտի II (714—685 Ն. մ. թ.) թագավորի անունից: Արդեն այս տեսակետից ներանք որոշակի հետաքրքրություն են ներկայացնում, քանի որ մինչև վերջերս գիտությանը հայտնի էին Արգիշտի II-ի ընդամենը երեք արձանագրություններ:

Նորագյուտ արձանագրություններում Արգիշտի II-ը խոսում է Ուրարտուին հարավ-արևելքից հարևան տերիտորիայում կատարած արշավանքների մասին և հիշատակում է բաղմաթիվ երկրներ, քաղաքներ և ամրոցներ, որոնք նվաճվել են և միացվել ուրարտական պետությանը, իսկ բնակչությունը՝ հարկատու դարձվել:

Արձանագրությունների տվյալները վերջնականապես փոխում են մեր պատկերացումները Արգիշտի II-ի մասին, որպես անձեռնմխ թագավորի, թեպետ հայտնի է, որ նրա օրոք Ուրարտական պետության հարավային սահմանը անցնում էր Ասորեստանի կենտրոնական մարզերի մոտով³: Նորագյուտ արձանագրությունները դրսևորում են այն ակտիվ քաղաքականությունը, որը վարում էր Ուրարտուն հյուսիսային Իրանում, և վկայում են, որ Սարգոն II-ի խորտակիչ հարվածներից հետո, կարճ ժամանակում Ուրարտական պետությունը կարողացել էր ոտքի կանգնել:

Պակաս հետաքրքիր չեն ուրարտական մյուս գյուտերը Իրանի տերիտորիայում: Խոսքը ձիուրրոնգյա աշքակալների մասին է, որոնք հայտնաբերվել են Գիլանի մարզի ծայրամասում, Դիլմանի լեռներում, մի ուշագրավ դամբարանադաշտի պեղումների ընթացքում և այժմ մասն են կազմում հնահավաք Մոհսեն Ֆուրուդիի հավաքածուի⁴: Առաջին աշքակալը, որը իր ձևով պայմանականորեն կոչիկի ներքան է հիշեցնում (երկարությունը՝ 17 սմ, լայնությունը՝ 8,8 և 5,5 սմ, նկ. 2ա), փորագիր ոսկեզօծ զարդեր ունի՝ բողբոջների երկու շարքից կազմված: Նրա վրա փորագրված է նաև Մենուա թագավորի անունը հիշատակող սեպագիր արձանագրություն: Երկրորդ աշքակալը (նկ. 2բ) նույն ձևի և չափերի է, բայց անզարդ է: Այն նույնպես ունի արձանագրություն, որը հիշատակում է Արգիշտի թագավորի անունը:

¹ Г. А. Меликишвили, Новая урартская надпись из Иранского Азербайджана, «Вестник Древней Истории», 1960, № 3, էջ 3—11:

² W. C. Benedict, Two Urartian inscriptions from Azerbaijan, Journal of Cuneiform Studies, vol. XIX, 1965, № 2, էջ 35—40:

³ Б. Б. Пиотровский, Ванское царство, Москва, 1959, էջ 111—112:


⁴ R. Ghirshman, Notes Iranienes XIV, Deux oeilleres en bronze des rois d'Urartu. Artibus Asiae, vol. XXVII, 1/3, Ascona, 1964, pp. 49—60, fig. 1—2.

Handwritten text in a cursive script, likely a manuscript. The text is arranged in several lines, with some lines starting with a small number '10'. The script is dense and appears to be a form of shorthand or a specific dialect. There are some markings that look like musical notes or symbols interspersed with the text.


uq. 1m

Handwritten text in a cursive script, likely a manuscript. The text is arranged in several lines, with some lines starting with a small number '10'. The script is dense and appears to be a form of shorthand or a specific dialect. There are some markings that look like musical notes or symbols interspersed with the text.

uq. 1p



Նկ. 2ա



Նկ. 2բ

Հետաքրքիր է նշել, որ նման առարկաներ հայտնաբերվել են 1954 թ. Կարմիր բլուրում: № 41 սենյակում գտնվել են ձիու լծասարքի քաղմաթիվ առարկաներ, այդ թվում նաև երեք բրոնզյա աշրակալներ, որոնք իրենց ձևով ու զարդերով շատ նման են վերևում նկարագրվածներին:

Գիլմանի լեռներում ուրարտական նման առարկաների հայտնաբերումը հավասար չափով հետաքրքրություն է ներկայացնում ինչպես Ուրարտուի, այնպես էլ Իրանի պատմաբանների ու հնագետների համար:

Կասպից ծովի հարավ-արևմտյան մասերում, վերջին տարիներին կատարված պատահական գյուտերի շնորհիվ, բացահայտվել է մի նոր քաղաքակրթություն, որը հայտնի է Ամլաշի անվան տակ: Այն բնորոշվում է նյութական մշակույթի (հատկապես մետաղագործության և խեցեգործության) ընդգծված յուրահատկությամբ: Ամլաշում գտնված մի շարք առարկաներ առաջին անգամ ցուցադրվել են Իրանական արվեստի Փարիզի ցուցահանդեսում⁵: Վերջերս, Իրանի այս նույն շրջանում, Ռուդրարի մոտ գտնվող Մարլիկ վայրում, Թեհրանի թանգարանի արշավախումբը պեղել է մի շարք դամբարաններ, որտեղից նույնատիպ նյութեր են հայտնաբերվել⁶: Նրանց ճիշտ թվագրումը մեծ հետաքրքրություն է ներկայացնում, քանի որ նորահայտ այս քաղաքակրթության նշանակությունը իրանական սարահարթի նյութական մշակույթի պատմության համար առաջնակարգ է: Պարզորոշ թվագրվող ուրարտական աշրակալների հայտնաբերումը այս նույն միջավայրում, անկասկած, կարևոր կովան է Իրանի վերոհիշյալ տեղիտորիայի նյութական մշակույթի ժամանակագրությունը որոշելու համար:

Հեռավոր Գիլանում ուրարտական առարկաների գյուտի նշանակությունը չի սպառնում

վերոհիշյալով: Այն նոր լույս է սփռում ուրարտա-իրանական հարաբերությունների վրա:

Դամբարանները, որտեղ գտնվել են աշրակալները, տեղադրվում են Իրանի այն մասում, որը հնում սեպագիր արձանագրություններում կոչվում էր Անդիա երկիր: Ռուսա I-ի օրոք այս երկիրը դաշինք է կնքում Ուրարտուի հետ:

Մի շարք ենթադրություններ կարելի է անել ուրարտական առարկաների այս շրջանում հայտնվելու կապակցությամբ: Ուրարտուի թագավորները կարող էին նվիրած լինել աշրակալները Անդիա երկրի իշխանին կամ որևէ մեծամեծի: Բացառված չէ, որ լեռնային այս երկրամասի բնակիչները, որոնք անտիկ հեղինակների մոտ հանդես են գալիս կաղուսիացիների անվան տակ, հարձակվել ու կողոպտել էին ուրարտական որևէ կենտրոն և որպես ավար իրենց հետ բերել այս առարկաները: Հնարավոր է նաև, որ աշրակալները հասել են այստեղ արշավող ուրարտական բանակի հետ միասին:

Սարգուրի II-ի և Արգիշտի II-ի՝ Իրանի հյուսիս-արևմուտքում հայտնաբերված արձանագրությունների տվյալներից երևում է, որ ուրարտացիները նվաճել են պատմական Ատրպատականի որոշակի մասերը: Հնարավոր է, որ այստեղից ուրարտացիները արշաված լինեն դեպի մերձկասպյան շրջանները, որտեղ այդ ժամանակ իր զարգացումն էր ապրում մի ինքնատիպ մշակույթ:

Հետաքրքիր է նշել, որ Մովսես Խորենացու «Հայոց պատմության» տեղեկությունների համաձայն, Կասպից երկիրը նվաճելուց հետո հայոց թագավոր Արտաշեսը արշավանք է կազմակերպում դեպի լեռնոտ այն երկիրը, որը կոչվում էր Պատիժահար, և որը, թեկուզ մասամբ, համընկնում էր ուրարտական առարկաների հայտնաբերման վերոհիշյալ վայրի հետ:

Ուրարտա-իրանական պատմական կոնկրետ աղբյուրներ արտացոլող նորագյուտ նյութերի հետագա ուսումնասիրումը անկասկած կնպաստի մի հետաքրքիր պրոբլեմի լուծմանը, այն է՝ իրանական նյութական մշակույթի և արվեստի կազմավորման գործում ուրարտական քաղաքակրթության ներդրման բացահայտմանը:

Գ. ՏԻՐԱՅՅԱՆ

⁵ Б. Б. Пнотровский, Кирмир-блур, III, Ереван, 1955, էջ 23:

⁶ Sept Mille ans d'art en Iran, Paris, 1962.

⁷ E. Negahban. Marlik. Tehran, 1964.

АРМЯНСКАЯ ГАЗЕТА В ОДЕССЕ

Настоящая заметка преследует очень скромную цель. Мы хотим привлечь внимание читателей к одному периодическому изданию, которое, как нам представляется, не лишено некоторого значения как источ-

ник по истории армянского народа в годы гражданской войны в СССР.

Речь идет о газете «Вестник Армени», выходившей в Одессе в 1919—1920 гг. Полный ее комплект хранится в Одесской госу-